

SONNIENDE LIBERTADE

Curriat su caddu rude,
in cumbatta cun su 'entu,
in mindas
e arvuredos umbrosos
e losànos,
innijende a su sole.

D' 'eranu sos umores
li daiant su briu,
sa diciosà badia
chi attit su gosare
in libertade sa vida.

Fit seda cordonada
sa giua niedda, lughente,
aundàda che mare
in s'azza 'e sa currina.
Braja allutta
sos ojos
e cantos de granitu
sos muscolos forzudos,
abbrazzados
da-e pedde de broccadu.

Una bandera fidi!

Sa calarina bianca
pius ermosa de s'ama,
fit sa sua.
Suos fint su chelu
semenàdu 'e lumeras,
sos fiores,
sas ervas saboridas.

Su mundu totu,
fit sou!

Como hat solu duas cosas:
trobeas in ancas,
chi l'impedin su passu,
e unu prammu 'e terra, tancàda
cun palones de linna!

SOGNANDO LA LIBERTA'

*Correva il cavallo selvaggio, / combattendo contro il vento, / in prati / e
boschetti ombrosi / e rigogliosi, / nitrendo verso il sole.*

*I profumi della primavera / gli davano energia, / la meravigliosa gioia / che
porta il godere / la vita in libertà.*

*Era seta cordonata / la criniera nera, lucente, / ondulata come il mare /
nell'impeto della corsa. / Brace accesa / gli occhi / e blocchi di granito / i
muscoli poderosi, / abbracciati / da una pelle di broccato.*

Era una bandiera!

*La cavallina bianca / più bella del branco, / era sua. / Suoi erano il cielo /
seminato di stelle, / i fiori, / le erbe saporite.*

Tutto il mondo, / era suo!

*Ora ha solo due cose: / pastoie nelle zampe, / che gli impediscono il passo /
e un palmo di terra, / recintata / con pali di legno!*